

## Pistaliets

Nosēpērkēs pistalieta  
Droušē vakštuojo pu miesta.  
Ožsokau i restuorana  
Ožmetiau ož lūpas grama.

Vēlniaus miestē prēsēgierēs,  
Vakštuojo kap pu Darbienus.  
Perējēs nebreikalingas  
Eino aš per gatvė vingēs.

Eino pēlva aš atstatēs,  
Pistaliets kēšenie matuos.  
Eino droušē kap gaidīs,  
Kas če mon kū padarīs.

Ēr ožtraukiau sava daina  
Apie sena grību vaina,  
Tego mata, kuoks aš vaikis,  
Lai sožēna, kad žemaitis.

Tik kažkas mon šauk ī ausī:  
– Ei, pilieti, kur keliauji?  
Aš čiopau ož pistalieta,  
Bet daugiau nespėjau nieka.

Mona galva atkragēna,  
Mona ronkas sorakēna,  
So žalēs drabožēs vīrā  
Svėidė moni i mašina.

Nuvažiavuo i belongė,  
Tēn aš stuovio ēšsėgondēs,  
Pistalieta nebregietė  
Da ē bauda rēks muokietė.

Kū daba rēks darītė,  
Kū rēks patė pasakīti?  
Kāp rēks nomėj parvažioutė,  
Prėš sosiedus raudonoutė?

Joukas jau ē vākā mažė,  
Saka „a tau tēp īr gražo  
Vēlniaus miestē prēsėmautė  
Ē bananu paragautė?“